

女科良方卷下目錄

產後編

正產

傷產

調產

催產

用八珍湯

凍產

熱產

橫產

用催生藥

盤腸產

難產

加味芎歸湯

死產

下胞

用生化湯或用平胃散失笑散

斷臍

血塊

用生化湯原方產後諸症治法

血暈

厥症

血崩

氣短似喘

妄言妄見

傷食

忿怒

類瘡

類傷寒二陽症

類傷寒三陰症

類中風

類瘕

出汗

盜汗

口渴兼小便不利

遺尿

誤破尿胞

患淋

便數

瀉

完穀不化

痢

霍亂

嘔逆不食

咳嗽

水腫

流注

膨脹

怔忡驚悸

骨蒸

心痛

腹痛

小腹痛

虛勞

遍身疼痛

腰痛

脅痛

陰痛

惡露

乳瘋

風甚

不語

補集

女科百方

補編

大便不通

雞爪風

浮腫



南京中医药大学图书馆版权所有

女科良方卷下

陽曲傳 山青主甫著 古吳謝森墀校訂

計五十六條四十三症

產後總論

凡病起於血氣之衰脾胃之虛而產後尤甚是以丹溪先生論產後必大補氣血爲先雖有他症以末治之斯言盡治產後大旨若能擴充立方則治產可無過矣夫產後憂驚勞倦氣血暴虛諸症乘虛易入如有氣母專耗散有食母專消導熱不可用芩連寒不可用桂附寒則血塊停滯熱則新血崩流至若中虛外感見三陽表症之多似可汗

也在產後而用麻黃則重竭其陽見三陰裏症之多似可
下也在產後而用承氣則重亡陰血耳聾脇痛乃腎虛惡
露之停休用柴胡譖語出汗乃元弱似邪之症非同胃實
厥由陽氣之衰無分寒熱非大補不能回陽而起弱痿困
陰血之虧不論剛柔非滋榮不能舒筋而活絡乍寒乍熱
發作無期症似瘧也若以瘧治遷延難愈言論無倫神不
守舍病似邪也若以邪治危亡可待去血過多而大便燥
結肉蕤蓉加於生化非潤腸承氣之能通去汗過多而小
便短澀六君子倍加參芪必生津助液之可利加參生化
湯頻服救產後之危長生活命丹屢用甦絕穀之人癩疝

脫肛多是氣虛下陷補中益氣之方口噤拳攣乃因血燥
類風加參生化之劑產戶入風而痛甚服宜羌活養榮湯
玉門傷涼而不閉洗宜麻兒黃疏散怔忡驚悸生化湯加
以定志似邪恍惚安神丸助以歸脾因氣而悶滿虛煩生
化湯加木香爲佐因食而噯酸惡食六君子加神麴麥芽
爲良蘇木莪朮大能破血青皮枳殼最消滿脹一應耗氣
破血之劑汗吐宣下之法止可施諸壯實豈宜用於胎產
大抵新產後先問惡露如何塊痛未除不可遽加參朮腹
中痛止補中益氣無疑至若亡陽脫汗氣虛喘促頻服加
參生化湯是從權也又如亡陰火熱血崩厥暈速煎生化

原方是救急也王太僕云治下補下治以急緩緩則道路
遠而力微急則氣味厚而力重故治產當遵丹溪而固本
服法宜效太僕以頻加凡付生死之重寄須着意於極危
欲求俯仰之無虧用存心於愛物此雖未盡產症之詳然
所聞諸症皆援近鄉治驗爲據亦未必無小補云

正產

正產者有腹或痛或止腰脇酸痛或勢急而胞未破名弄
胎服八珍湯加香附自安有胞破數日而痛尙緩亦服上
藥俟之

傷產

傷產者胎未足月有所傷動或腹痛臍痛或服催生藥太早或產母努力太過逼兒錯路不能正產故臨月必舉動從容不可多睡飽食飲酒但覺腹中轉動卽正身仰臥待兒轉順與其臨時費力不如先時慎重

調產

調產者產母臨月擇穩婆辦器用備參藥產時不可多人喧鬧二人扶身或憑物站心煩用滾水調白蜜一匙獨活湯更妙或饑服糜粥少許勿令饑渴有生息未順者只說有雙胎或胎衣不下勿令產母驚恐

催生

催生者因坐草太早困倦難產用八珍湯稍佐以香附乳香以助血氣胞衣早破漿血已乾亦用八珍湯

凍產

凍產者天寒血氣凝滯不能速生故衣裳宜厚產室宜煖背心下體尤要

熱產

熱產者暑月宜溫涼得宜若產室人衆熱氣蒸逼致頭痛面赤昏暈等症宜飲清水少許以解之然風雨陰涼亦當避之

橫產

橫產者兒居母腹頭上足下產時則頭向下產母若用力逼之胎轉至半而橫當令產母安然仰臥令其自順穩妥以中指挾其肩勿使臍帶羈絆用催生藥努力卽生

當歸

紫蘇

各三錢

長流水煎服卽下

一方用好京墨磨服之卽下

一方用敗筆頭一箇火煨以藕節自然汁調服之卽下

一方用益母草六兩濃煎加童便一大杯調服卽下

盤腸產

盤腸產者產則子腸先出然後生子其腸或未卽收以草麻子四十九粒研碎塗頭上腸收急急洗去遲則有害又

女科良方

卷下

凍產 熱產 橫產 盤腸產



方止用四十粒去皮研爲膏塗項中收卽拭之如腸燥以磨刀水潤之再用磁石煎湯服之須陰陽家用過有驗者

難產

難產者交骨不開不能生產也服加味芎歸湯良久卽下

小川芎 一兩

當歸 一兩

敗龜板 一箇
酒炙

婦人髮灰

一握

須要生過男女者爲末水一鍾煎七分服

死產

死產者子死腹中也驗母舌青黑其胎已死先用平胃散
一服酒水各一鍾煎八分投朴硝煎服卽下用童便亦好
後用補劑調理

下胞

胞衣不下用滾酒送下失笑散一劑或益母丸或生化湯送鹿角灰一錢或以產母髮入口作吐胞衣卽出有氣虛不能送出者腹必脹痛單用生化湯

全當歸 一兩

川芎 三錢

白朮 一錢

香附 一錢

加人參更妙用水煎

一方用萆麻子二兩雄黃二錢研膏塗足下湧泉穴衣

下急速洗去
湧泉穴在足底心

平胃散

南蒼朮

米泔水浸炒

厚朴

薑汁炒

陳皮

炙草

各二錢

共爲粗末或水煎服或酒煎煎成時加朴硝二錢再煎

一二沸溫服

失笑散

五靈脂 蒲黃 俱研爲細末每服三錢熱酒送下

斷臍

斷臍者必以綿裹咬斷爲妙如遇天寒或因難產母子勞倦宜以大麻油紙燃徐徐燒斷以助元氣雖兒已死令煖氣入臍多得生切勿以刀斷之

一法先用麻線紮緊後或燒或剪俱可則風氣不入兒腹更妙



滑胎散

臨月常服數劑以便易生

當歸

三五錢

川芎

五錢

熟地

三錢

枳殼

七分

山藥

二錢

水二鍾煎八分食前溫服如氣體虛弱人加人參白朮

隨宜服之如便實多滯者加牛膝二錢

治產秘驗良方

治橫生逆產至數日不下一服卽下有未足月忽然胎

動一服卽安或臨月先服一服保護無虞更能治胎死

腹中及小產傷胎無乳者一服卽如原體

全當歸

川芎

各一錢五分

厚朴

薑汁炒

蘼艾

女科良方

卷下

斷臍

治產秘驗良方

六



紅花 各七分

川貝母 一錢 去心

荊芥穗

黃芪 各八分

兔絲子 一錢 二分

白芍 一錢 二分 冬月不用

枳殼 六分 麩炒

羌活 六分 麩炒

甘草 五分

以上十三味只用十二味不可加減安胎去紅花催生去蘄艾用井水鍾半薑二片爲引熱服渣用水一鍾煎半鍾熱服如不好再用水一鍾煎半鍾服之卽效不用

二劑

催生兔腦丸

治橫生逆產神效

臘月兔腦髓 一箇

母丁香 一箇

乳香 一錢 另研

麝香 一分

兔腦爲丸芡實大陰乾蜜封用時以溫酒送下一丸

奪命丹

臨產未產時目反口噤面黑唇青口中吐沫命在須臾

若臉面微紅子死母活急用蛇退 蠶故子燒灰不存

性 髮灰

一錢

乳香

五分

共爲細末酒下

加味芎歸湯

治子宮不收產門不開

人參

一錢

黃芪

一錢

川芎

一錢

當歸

二錢

升麻

八分

炙草

四分

五味子

十五粒

再不收加

半夏

八分

白芍

八分

酒炒

新產治法

女科良方

卷下

新產治法

七